

## DE ORATORE

### *LIBER PRIMVS*

**I. 1** Cogitanti mihi saepenumero et memoria uetera repetenti perbeati fuisse, Quinte frater, illi uideri solent qui in optima re publica, quom et honoribus et rerum gestarum gloria florent, eum uitae cursum tenere potuerunt ut uel in negotio sine periculo uel in otio cum dignitate esse possent. Ac fuit tempus illud quom mihi quoque initium requiescendi atque animum ad utriusque nostrum praeclara studia referendi fore iustum et prope ab omnibus concessum arbitrarer, si infinitus forensium rerum labor et ambitionis occupatio decursu honorum, etiam aetatis flexu constitisset.

**2** Quam spem cogitationum et consiliorum meorum cum graues communium temporum, tum uarii nostri casus fefellerunt. Nam qui locus quietis et tranquillitatis plenissimus fore uidebatur, in eo maxumae moles molestiarum et turbulentissumae tempestates exstiterunt; neque uero nobis cupientibus atque exoptantibus fructus otii datus est ad eas artis, quibus a pueris dediti fuimus, celebrandas inter nosque recolendas. **3** Nam prima

**M. TVLLI [TVLLII E] CICERONIS DE ORATORE et Inscr. et subscr. M M. TVLLII CICERONIS DE ORATORE LIB. PRIMVS. INCIP. L.**

**1** sine...otio *om. M* || tempus illud *L : om. M* || quom : quod *M* | decursu *L : cursu M.*

**2** moles *V : om. MP molles O.*